

Zlatko Ibrišimović i dr. (5 osoba) - policijske akcije “Bumerang” i “Consigliere”

Optužnica podignuta 29. jula 2025.

Uvod

Optužnica podignuta u predmetu Sky, protiv pet optuženih, koji se terete za organizovani kriminal visokog nivoa, a optužnicom je obuhvaćen i advokat.

Ime(na) optuženog/optuženih

- 1. Zlatko Ibrišimović, rođen 1985. godine u Sarajevu, državljanin BiH, advokat iz Sarajeva*
- 2. Alem Hodović, rođen 1983. godine u Priboju, R Srbija, državljanin BiH i R Srbije*
- 3. Maja Papić, rođena 1966. godine u Sarajevu, državljanica BiH i Kraljevine Nizozemske*
- 4. Fikret Memić, rođen 1954. godine u Sarajevu, državljanin BiH*
- 5. Pravno lice „E.S. TECH“ d.o.o. Sarajevo*

Optužnica

U optužnici se navodi da su optuženi, uz pomoć kriptovanih telefona aplikacije SkyEcc, kao članovi grupe za organizovani kriminal koja je djelovala na području BiH, Kraljevine Nizozemske, Kraljevine Belgije, UAE i drugih država EU, u međusobnom dogovoru sa organizatorom, u okviru kojeg su postupali prema utvrđenim ulogama i zadacima, novac pribavljen počinjenjem krivičnog djela neovlašteni promet opojnim drogama, koristili u privrednom ili drugom poslovanju i raspolagali sa istim, na način da su ovako nezakonito stečeni novac ubacivali u legalne novčane tokove kupovinom pokretnih i nepokretnih stvari. Optužnicom se traži i povrat nezakonite imovinske koristi pribavljene krivičnim djelom u iznosu od 1.107.371,00 KM, a koja uključuje i dva stana u centru Sarajeva.

Krivična djela za koja su optuženi

Organizirani kriminal (član 250. KZ-a BiH) i pranje novca (član 209. KZ-a BiH).

Istraga

Tužilaštvo će dokazivati optužbe uz pomoć 26 svjedoka i dva vještaka, kao i podnošenjem više stotina dokaznih materijala.

Sudski postupak

Optužnica potvrđena: 15. septembar 2025.

„Ovom objavom ne prejudicira se ishod krivionog postupka i ne narušava princip presumpcije nevinosti. Svako se smatra nevinim dok se pravosnažnom presudom ne utvrdi njegova krivica.“